

山右石刻叢編

山右石刻叢編卷二十九

運使身軀肅然節制嚴密都御史巡撫出巡管轄各處即務商賈等尉天門前之碑

元

劉義碑

碑連額高五尺三分廣二尺一寸二分二十五行行五十三字正書額題十二字蒙古書今在遼州南莊村

大元武略將軍遼州知州劉公神道碑

將仕郎遼州判官兼管本州諸軍奧魯事王璧書丹

奉直大夫遼州知州兼管本州諸軍奧魯勸農事張厚篆額

國子監前司業授奉政大夫同知衛州路總管府事王構謹

至元十六年冬十月乙卯武略將軍孟州知州劉公卒孤子

山名志卷之二十一
克忠護其喪權措於遼州西南馮婆谷後謀諸葬師將改葬於甘露鄉桐谷里之駁馬原自祖考以來未葬者咸葬焉葬有日持其封墓縣尹權秉中狀其先世事跡令構文其石辭不獲已遂撫其實而次第之

公諱義其先淦陽臨水人大父政嘗為□衛親軍有田於遼山之羊角里因而家焉父恩身長七尺資雅重仁慈正直鄉人莫不敬服金源氏失馭晉陽公郭文振開闢於遼之囤山人皆聞其武勇招之麾下以戰多累遷同知元帥府事歲甲午蔡州破公率其部曲歛附

天朝丞相胡公中書楊公交章上薦拜遼州軍民長官佩銀符時州境承兵革焚蕩之餘城郭榛蕪戶口凋殘公乃招集遺亡存問鰥寡奠民居立公廨紀綱法度次第而舉未幾政

令行而室家相慶焉歲丙辰元帥府君請老公襲父職克遼
州軍民長官吏民畏愛人以為有先人之風中統辛酉總府
保奏有

旨褒諭至元甲子遷同知絳州事絳鉅鎮也又當衝要公務
繁劇至官者往往剗割不暇公處之若無事後三年加武略
將軍孟州知州在官五年治蹟為一路最至元九年移知臨
州孟人詣

闕上書保乞再任故十五年復有是

命公之重来於孟也老幼歡迎絡繹不絕於道人以黃霸頴
川比之明年以疾終於官春秋五十有九夫人同郡李氏夙
夜儆戒內助為多子男一人克忠也以廕進義副尉女二人
長適遼州次官王德寬之子潤次適遼州稅務都監武琇之

子恒孫男女二十三人公之為孟也秋大熟未獲有飛蝗入境公禱于神曰牧民有罪百姓何辜是夕雷電雨作蝗死無遺育邦人立碑以紀之公之為人也敬以持身誠以接物儉以成家勤以居官其為治也知所先後每到官其目有四一勸農二興學三勵風俗四不貸枉法吏故前後蒞四郡未嘗有敗事若夫綺襦執袴狗馬之玩一不之好雖不出於嚴君義方之訓亦其天性然也銘曰

劉氏先 出陶唐 樂高□ 徙遼陽 若底法 考作

室 匪克家 疇之力 良師帥 歷四州 喟之亡

首舊 漳之廩 槎山下 告邦人 敬松楸

大德四年二月十四日孤子劉克忠長男劉翼立石

陰陽人希賢處士郭明 皇甫玉卜定

古黎石匠趙讓田旺刊

按山西通志金石記碑爲國子司業同知衢州路總管王
構撰遼州軍資都監耶律質書知州張厚題額碑前標目
爲大元武略將軍遼州知州劉公神道碑文稱其父恩從
晉陽公郭文振爲同知元帥府事金亡歸元拜遼州軍民
長官義襲父職至甲子遷知絳州又知孟州九年移臨州
孟人上書乞再任故十五年復來於孟明年疾終於官標
目不書孟州而書遼州殊乖事實構文簡潔有法當不致
此蓋其子孫以居遼州遂改題也按金史郭文振傳元光
二年徙軍孟州是歲癸未恩至甲午始降相去十有二年
與聶珪碑合觀太行山曲之民寨犄角枝柱不爲不久至
金亡始相率歸降矣碑言晉陽公郭文振開闢於遼之國

山砦金史郭文振傳累官遼州刺史興定三年行河東北
路元帥府事四年封晉陽公元光二年州不能守徒軍孟
州恩從文振當在徙孟前其曰丞相胡公者卽胡土虎那
顏其曰中書楊公者元史楊惟中傳皇子庫春伐宋惟中
行中書省事拜中書令太宗紀七年庫春伐宋以碑文甲
午蔡州破

太宗六年

恩率眾款附句考之楊惟中之行中書正

在次年恩爲惟中所薦無可疑者丙辰憲宗六年碑云公
至元甲子後三年知孟則至元四年校碑前言恩從郭文
振事可補史闕後言義治蹟歷官可補志乘闕金元文字
今存已少此碑頗具地險戰閱循績治略良可寶貴通志
金石記耶律質書今搨本碑爲王璧書通志誤耶律質見
先大夫廟碑

先廟碑大定十五年立此碑大德四年立相距六十餘年無一人書之理

遼州志

元遼州軍民長官劉恩墓在州南桐峪村武略將軍孟州知州劉義墓在州南莊則村官皆與碑合又碑題遼州判官王璧知州張厚今州志皆不載宜據碑補平定州志王構字嗣能平定州人授甯夏教授歷翰林編修吏部主事改甯晉尹遷監察御史辭改國子司業出同知衢州路總管事卒官有秦溪集與碑題銜合碑見通志金石記

梁君墓碣

碑連額高四尺八寸五分廣二尺二寸五分二十四行行三十八字正書額題梁君祖考碣銘六字篆書今在襄陵縣

梁君祖考墓碣銘

古唐口昌汾東進士張思溫撰

近邑福勝沙口口書并篆額

梁嬴□伯益之後春□□□□玉封其少子唐於夏陽是為梁伯子孫因以國為氏君□□氣住職□

御膳譯名博兒赤襲父職也□果毅雅精譯語諳時務其為人蓋如此君之高祖諱義之父諱□生四子曰福曰祿曰善曰慶□□君之高祖子三人長曰成次曰子成官至龔氏縣令幼曰恭曾任監軍成即君之曾大父□□□義達武事追國兵選善騎射者遂得帥卒征討丁亥年拔益都攻河南會敵□□□□之□當

太祖聖武皇帝時奏賜廣威將軍都元帥寵以金符食之□祖諱山祖之弟二人曰用□□祖甫冠嘗謂人曰男子之生懸弧矢於門以示四方之志也詎可安居為計哉己丑歲從質子軍征於朔方以身許國披堅執銳弗避矢石之難功不

下於父也以□功世□□略將軍充千戶長亦賜虎符迄
未歲伐□花馬國取也里城邑沒於遼事君之□□溫□□
以前職精□大德三年蒙

皇恩賜寶鈔二百餘疋母

濟王位下總管續德進之女父常自公退私每語及宗祖
係平陽襄陵所治汾東□村□□□祖父母遺骸於大都□
唐吾父旅殯上都松州南陰縣涼河川□山寨流散異處何
日歸□吾鄉慰吾父之靈□□應之曰子當為之由是夙夜
默思身有供奉之責罔敢頃刻離也又懷歸葬之切烏能□
□□□暇限往求祖靈果獲君負之故□因發其靈之未
葬□□□有八以大德三年□□二十五日祔葬於里東
原祖塋之次禮也既畢來請銘君事君忠事親孝弟二人曰

春□□改驢□改□□之配嘉議大夫張君之女曰張氏妾李氏有二子長曰荅石帖木免幼同壽其銘曰

梁氏世顯功勲素揚瓜瓞綿綿本支熾昌流離□際孝思不忘竟兮靈兮既安既寧傳之不□以刻□銘

大德四年姑洗月冀凋五葉

梁□ 梁禎 梁溫同立 石匠□順刊

按襄陵縣志梁元帥墓在縣東五里鄧村進士張思溫撰碑卽此碑今搨本碑題進士張思溫撰縣志選舉思溫元進士本縣人書人搨本漫漶碑云君之高祖子三人曰成次曰子成官冀氏令幼曰恭曾任監軍縣志梁成剛勇練達嘗率卒征討拔益都攻河南會敵必克其弟子成官至冀氏縣令皆與碑合碑又曰丁亥年拔益都元史博囉傳

丙戌秋九月郡王岱遜率兵圍益都冬十二月博囉引兵入齊丁亥四月城中食盡降然則成固從圍益都者其曰太祖聖武皇帝元史太祖紀至元三年十月追諡聖武皇帝縣志成子正祖征於朔方以身許國此卽梁君之祖碑

所云伐花馬國取也里城殲王事者

此云乙未歲按元史太宗紀是年有征西

域縣志孫乞住襲父職卽碑之乞住職今搆本漫漶不盡

可辨其曰濟甯王位下總管續德進之女元史諸王表濟

甯王曼濟岱駙馬後進封魯王德進蓋爲之總管碑以大

德三年梁君歸葬祖考以上之靈而立碑有云唐吾卽元

祕史之唐兀祕史十四卷成吉思自雪山起程過兀刺孩

城攻靈州時唐兀主不兒罕將金佛來獻按西夏都靈州

唐兀者西夏也元史上都路有松州地理今釋今喀喇沁

山名志卷之二十一
右翼皆距晉遠梁君能舉還歸於鄉可謂善盡孝者花馬國見元史索多傳從征花馬國有功是也

元好問墓銘

碑高五尺六寸廣二尺四寸五分二十六行行六十五字正書今在忻州韓巖村

遺山先生墓銘

江淮荆湖南北等路宣撫副使左充國信大使兼翰林侍讀學士郝經撰

門生翰林學士大中大夫知制誥同修國史李謙書
門生儒林郎秘書少監楊桓篆額

歲丁巳秋九月四日先生卒於獲鹿遇舍十日訃至經走常山三百里已馬舁歸葬葬文酌酒哭於畫像之前而已先生與家君同受業於先大父經復逮事先生者有年義當叙而

銘之詩自三百篇以來極於李杜其後纖靡淫艷怪誕癖淫
寢以弛弱遂失其正二百餘年而至蘇黃振起衰路益為瑰
奇復於李杜氏金源有國士務決科干祿置詩文不為其或
為之則羣聚訕笑大以為異委墜廢絕百有餘年而先生出
焉當德陵之末獨以詩鳴上薄風雅中規李杜粹然一出於
正直配蘇黃氏天才清贈邃婉高古沉鬱太和力出意外巧
變而不見斧鑿新麗而絕去浮靡造微而神采粲發雜弄金
碧揉飾丹素奇芬異秀洞蕩心魄看花把酒歌謠跌宕挾幽
并之氣高視一世以五言雅為正出奇於長句雜言至五千
五百餘篇為古樂府不用古題特出新意以罵怨思者又百
餘篇用今題為樂府揄揚新聲者又數十百篇皆近古所未
有也汴梁亡故老皆盡先生遂為一代宗匠以文章伯獨步

幾三十年銘天下功德者盡趣其門有例有法有宗有趣又至百餘首為杜詩學東坡詩雅錦機詩文自警等集指授學者方吾道壞爛文曜墮昧先生獨能振而鼓之揭光於天俾學者歸仰識詩文之正而傳其命脉繫而不絕其有功於世又大也每以著作自任以金源氏有天下典章法度幾及漢唐國亡史興已所當為而國史寔錄在順天道萬戶張公府乃言於張公使之奏

聞願為撰述奏可方闕館為武安樂藝所沮而止先生曰不可遂令一代之美泯而不聞乃為中州集百餘卷又為金源君臣言行錄往來四方採摭遺逸有所得則以寸紙細字親為記錄雖甚醉不忘於是雜錄近世事至百餘萬言捆束委積塞屋數楹名之曰野史亭書未就而卒嗚呼先生可謂忠

矣先生諱好問字裕之太原秀容人系出拓拔魏故姓元氏
曾大父春忠顯校尉隰州團練使大父滋善儒林郎銅山府
君贈朝列大夫父格顯武將軍鳳翔路第九處正將兼行隴
城縣令騎都尉河南縣開國男食邑三百戶妣河南郡太君
王氏先生七歲能詩太原王唐臣稱為神童年十一從其叔
父官於翼州學士路宣叔賞其俊爽教之為文年十有四其
叔父為陵川令遂從先大父學先大父即與屬和或者譏其
不事舉業先大父言吾正不欲渠為舉子爾區區一第不足
道也遂令肆意經傳貫穿百家六年而業成下太行渡大河
為箕山琴臺等詩趙禮部見之以為少陵以來無此作也以
詩招之於是名震京師目為元才子登新定五年進士第不
就選往來箕頴者數年而大放厥詞於是家累其什人囑其

句洋溢於里巷諷詠於道途巍然坡谷復出也初筮除鎮平令再轉內鄉遂丁艱憂終喪正大中辟鄧州南陽令南陽大縣兵民十餘萬帥府令兼鎮撫甚有威惠詔為尚書都省掾居無何除左司都事再轉為中順大夫行尚書省左司員外郎兼修起居注上騎都尉河南縣開國子食邑五百戶賜紫金魚袋天興初入翰林知制誥金匱不仕而卒春秋六十有八某年月二十七日葬於秀容之先茔前配同郡張氏戶部尚書林卿之女再配臨清毛氏推貨司提舉飛卿之女子男三人長曰拊奉直大夫汝州知州兼管諸軍輿魯勸農事次日振仕至太原路參佐次日摠尚書都省監印女五人長曰真適進士東勝程思溫次嚴女冠詔為女宮教號潯溪真隱次順早卒次適成和郎大都惠民司提點太原翟國才次適

建德路織造局大使定襄霍繼祖銘曰

士子賈技爭綴緝 僥倖寸祿奔走急 以爲詩文作無益
冀壤擲棄明月璧 先生卓犖有異識 振筆便入蘇黃室
開闢文源剪荆棘 大聲復完金玉擊 爛熳長醉思盈溢
瑞錦秋花亂堆積 險妬護前喘肝臆 羣犬舐舐共譏嫉
塵埃野馬爲鬼蜮 遺山巖巖倚天壁 國史興喪是吾職
義烈不負董狐筆 定襄高寒拓拔國 馬昇歸葬反宅
有書有傳俱未卒 嗚呼先生端可惜 嗚呼先生不可得

大德四年七月吉日男奉直大夫汝州知州兼管諸軍奧魯勸農事元拊並元振立石

按碑題江淮荆湖南北等路宣撫副使左充國信大使兼翰林侍讀學士郝經撰門生翰林學士大中大夫知制誥同修國史李謙書門生儒林郎祕書少監楊桓篆額元史郝經傳經字伯常先潞州人徙澤之陵川世業儒憲宗初世祖以皇弟開邸召諮經國等事大悅遂留王府世祖總統東師議七道事稱旨以楊惟中爲江淮荆湖南北等路宣撫使經爲副

碑題江淮荆湖南北等路宣撫副使者用此銜也

世祖卽位以經

爲翰林侍讀學士佩金虎符充國信使使宋

世祖本紀中統元年四月

丁未以翰林侍讀學士郝經爲國信使致陵川

集被留十

五年以至元十二年北歸七月邁疾卒諡文忠碑所題悉

與史前後所授官合李謙傳謙字受益東阿人召爲應奉翰林文字至元十五年陞待制十八年陞直學士爲太子

左諭德轉侍讀學士成宗卽位陞學士碑以大德四年立

正謙爲學士之時與史合楊桓傳桓字五子克州人弱冠

爲諸生中統四年補濟州教授復召爲太史院校書郎遷

祕書監丞拜監察御史成宗卽位陞祕書少監大德二年

卒碑立於大德四年故及題少監也攷碑在經未大用時

作及其立碑之時則經已早歿因得列其前後官階而並

題之碑稱丁巳秋實憲宗七年據史傳及年譜皆是遺山先生卒於獲鹿

經用馬昇歸哭而銘之攷陵川集年譜是年前一歲經謝世祖還燕後一歲經侍父疾家居

然則際此時正經未膺王命時故得有歸葬先生之歟其首敘先生之詩上薄風雅

中規李杜粹然一出於正有長句雜言五千五百餘篇古

樂府百餘篇今樂府數十百篇皆近古未有之作又爲銘

志碑版百餘首杜詩學史本傳作一卷東坡詩雅本傳作三卷錦機本傳

作一詩文自警

本傳作十卷

等著述又以金源氏亡國史實錄

在順天道張萬戶府願爲撰述

按張萬戶即張柔元史有傳宏範其子也

方奏

聞而事遽中止乃爲中州集百餘卷

按四庫書目云中州集大旨以詩存史故

姓名之下各列小傳往往旁及軼事多足以資考

又爲金

源所錄諸詩亦多格力適健在宋末江湖集上源君臣言行錄雜錄近世事至百餘萬言書未就而卒先

生爲太原秀容人曾大父春隰州團練使大父滋善銅山

府君父格鳳翔路第九處正將兼行隴城縣令

按此係道山先生

父其生父道明著見元史本傳故今析州姓王太君先

有元德明讀書山而先生之墳即葬於其下生七歲能詩十一從叔父官冀州十四從先大父學

即郝經之

挺是六年業成下太行渡大河爲箕山琴臺等詩趙禮部

見之

按即趙秉文金史曾爲禮部尙書

以爲少陵以來未有登興定進士

第

金宣宗

初除鎮平令轉內鄉又辟南陽令詔爲尙書都

九年

省掾除左司都事行尙書省左司員外郎天興初入翰林知制誥金亡不仕卒春秋六十八葬於秀容先塋前配張氏再配毛氏子三人長拊汝州知州次振太原路參佐次摠尙書都省監印女五人長適進士東勝程思溫次女冠次早卒次適大都惠民司提點太原翟國才次適建德路織造局大使定襄霍繼祖校遺山先生爲有金一代名宿其遭亂離形誦詠與周庾信唐韓偓際遇略同而其爲後人所沾溉者亦與庾韓相埒故風雅者常爲愛護之至今邱壑完好碑文清整無斑剝難辨之字可稱善本矣第以金史本傳校之亦有不合者如好問擢尙書省掾除左司都事轉行尙書省左司員外郎已在天興初而碑僅於其入翰林知制誥著明天興初事其他則反似先時所授者

殊爲失次今當以傳爲正且劉祁歸潛志云二年崔立變

起殺二相詣軍前納款明日以省令史元好問爲左右司

員外郎據此是自員外郎以下騎都尉河南縣開國子食

邑五百戶賜紫金魚袋入翰林知制等勳官均崔立勒授

者不應列於碑後而碑本乃悉載之恐非先生當年本意

又遺山集考證員外郎已在天興二年知制誥安得反言

初哉且此職必係崔立勒授者不足爲先生榮祇取辱耳

乃承陵川集碑文之誤失於刪去史又郝經傳祖天挺元

本傳於員外郎文下不載此官最是

好問嘗從之學又好問本傳年十有四從陵川郝晉卿

仍即天挺字是碑稱十四從先大父學之證又經復逮事

先生亦見經本傳元好問語之曰子貌類汝祖才器非常

勉之按此均合碑文之意遺山集攷證興定五年進士科

試官有趙秉文諸人引金史李復亨傳爲證興定五年三

月廷試進士復亨監試進士盧元謬誤濫放及第讀卷官
禮部尙書趙秉文翰林待制崔禧歸德治中時截應奉翰
林文字程嘉善當奪三官降職復亨當奪兩官又按碑稱
中州集百餘卷今所傳實止十卷攷證謂碑文誤金源君
臣言行錄攷證謂卽傳所稱壬辰雜編當爲不謬先生前
配張氏碑文謂戶部林卿之女按中州集張翰傳字林卿
大定二十八年進士貞祐中拜戶部尙書是卽其人又毛
氏提舉飛卿之女中州集毛端卿字飛卿泰和三年擢第
累遷提舉權貨司亦爲確證又子拊遺山集攷證謂卽阿
千叔儀官與碑同振謂卽甯兒叔開摠謂卽阿中叔綱亦
皆與碑官合又攷證謂先生尙別有子名阿辛以早殤故
不錄

今遺山集有改葬阿辛詩
故攷證引之以資談助

又碑云先生以文章獨步

幾三十年校汴京亡於癸巳先生卒於丁巳中距二十五

年碑以成數稱故云三十以上諸文據各碑本互有異同

有訛數字者有訛數句者

今攷遺山集與雅堂叢書均有訛字郝文忠陵川集並訛脫句

今不悉贅錄按此文今見陵川集及遺山集附錄施北研

以集本詩有五千五百餘篇以爲傳錄誤一爲五今攷石

本實作五千五百餘篇不必疑華氏本刊誤至先生本生

父德明母王氏繼父格母張氏見全集世系圖此銘敘先

生父格母王氏必係脫落及以中州集十卷爲百餘卷恐

亦未足爲實錄郝先生親受業於遺山不應有誤惟銘撰

丁巳秋閱四十四年始勒石或後人又有增改故多不符

之處碑末題大德四年七月男奉直大夫汝州知州兼管

諸軍奧魯勸農事元拊並元振立石拊題銜卽碑文所舉

之官碑見通志金石記

弔武仙詩

碑高一尺三寸五分廣二尺一寸三分十行行九字
末題十行行十六字正書今在鳳臺縣天井關文廟

哀恒山公

金鼎冥冥座已遷

將軍忠勇力扶顛井闕未度星先落神策潛揮劍不前一把
骨隨秋艸朽千季名有此山傳佐詩膾炙行人道留為他時
太史箋

將仕佐郎臨漳縣主簿李孝純題

公姓武諱僊金末名將河北九公恒山其一也恒山失利
拔身南歸尾從路經此關爲守者所識邏兵捕之欲公潰
圍去而拔劍不出重傷被獲是夜大星殞天鼓鳴乃終鳴

呼天也昔先人諱孝純字敦夫作詩哀之刻于

宣聖廟之柱石歷歲已久字畫殘闕命工再刊諸石以永其傳

大德四年歲在庚子閏八月吉日

澤州儒學正男李獻立石

按通志金石記鳳臺縣志恆山公武仙也爲金末名將河北九公之一死於此關臨漳主簿李孝純題七律其子州學正獻重刻於大德庚子考金史仙爲留守元帥封恆山公九府財富兵強甲於河北降元已六年徒以與史天倪有隙復殺天倪歸金反復無常哀宗末擁兵十萬爲自固計屢檄勤王置國難於不恤又妄殺忠臣盧芝石玠遂至進退失據從數人渡河北至澤州爲戍兵所殺孝純以詩

哀之過矣據壽珪碑甲午乙未平定眞定之間尙有總領
劉常義安撫王嚴招撫史雄康義等軍武仙由南而北將
入山砦與常義等合也原跋謂恆山失利拔身南歸路經
此關爲守者所殺事頗未具李獻爲澤州學正見鳳臺志
碑見寰宇訪碑錄通志金石記

垣曲文廟記

碑高三尺七寸一分廣二尺二寸一分二
十九行行五十一字正書今在垣曲縣

垣曲縣新修文廟記

絳州儒學教授高平宋景祥撰

夫子之道與元氣爲一太極未判道在乎中所謂先天而天
弗違兩儀既分道行其間所謂後天奉天時八卦畫而體乃
明六經章而用斯見三皇以上全其體者也五帝以下致其

用者也人惟不明乎道故設為名教以修治品節放勲曰匡
之直之輔之翼之使自行之家有塾黨有庠遂有序國有學
皆所以明道周衰教廢人倫錯亂天生夫子使主道統
授以帝王之德而不授以位令師表百王垂法萬世其任不
亦重乎 夫子聖之時道與時偕行循環變化而有終極
則知生為春夏殺為秋冬 夫子時也日月明星辰森
列 夫子文也靜為雲霞動為雷霆 夫子神也潤為
風雨凝為霜雪 夫子教也人仰天光皆言敬畏而不崇
天道不奉天常豈真能敬畏蓋六經之道天道也五常之教
天常也君臣父子兄弟夫婦日用常行之理斯須不可離聖
人代天理物為民立極故內有辟雍外有泮宮春秋釋奠禮
其宜哉垣曲處河東之南鄙舊 夫子廟在城之東北郭

外因遭劫火焚為榛墟至元口縣併入古絳十六年己卯復設吏治

朝命以從仕郎頭岳弘膺製錦之選冬十月下車莅政後二年主簿崔仲繼至方是時市井蕭條官無廨宇乃相與協慮經營起廢蓋新即其舊基創建庭署數年間官府民廬漸可觀看尹以文廟之事自任詢於士民欣然響應親詣鄉閭勸率義願施錢助役者甚衆凡得楮幣千緡度材聚工先是金季縣令馬其姓者為城市狹小展移西城一里許至是乃相視展城之間爰有閑隙之地厥土口剛形勢崇亢奠澤宮寔宜南望大河洋洋乎在於目前思河水之章若復得聞其操神固無所不在遂營正殿三間構立甫畢而尹口務適京師時監縣

初至不廢成謀就領甃塗墁之効復塑

聖像三尊素王居中顏孟侍坐尹還甚喜即命工塑十哲像以配享衮衣冕旒金碧輝映妙全資飾之外功不滿志各致瓜期厥後有達魯花赤不伯縣尹陳仲明主簿帖木兒不花見義有勇詢謀僉同列廊廡以繪眾賢崇儀門以謹出入簷楹環合翬飛跂翼內外砌造煥然一新方欲啓講堂齋舍庖俎之所固亦有次第其餘城隍有祠醫學有房養濟有院邑中之能事畢矣本州直學李密後進趙傑謁予求文以記之予謂垣曲邑卑民少素無儒士踐職者宜其優游聊以卒歲時有眾僚政不容卑審夫教化源流在於開設學校惟其邑之小故代者遠居者久惟其居之久故政克有成功克有立此邑人之至幸天下之樂土也邑小何害將見風化大行俎豆莘莘絃歌調聲自今日其伊始噫慮始者難守成者易圖

功攸終仍俟後之君子既叙其本末又繫之以銘曰

維皇上帝 祐民作師 俾吾

夫子 誕降周衰 道統攸居 教源擴疏 制禮作樂

刪詩定書 人倫是正 天理用明 一以貫之 孰

匪有生 德施當代 澤流萬載 時有變通 神無不

在 上自京師 下及郡縣 祀典具存 春秋釋奠

道本人弘 化由政成 武城之宰 聞絃歌聲 惟此

垣山 始自令尹 克配前休 宗游蹈閔 廟貌斯新

俎豆既陳 蒸我髦士 宜席上珍

大德四季歲次庚子秋九月中旬日立

尉司吏樊福

司吏郭恭 柴聚 劉溫 裴口

典史杜英

垣曲縣主簿兼尉兼管本縣諸軍奧魯帖木兒不花

修武校尉垣曲縣尹兼管本縣諸軍奧魯□勸農事陳仲明

□義副尉垣曲縣達魯花赤兼管本縣諸軍奧魯兼勸農事□不伯

垣曲縣商酒務官詞羊張國鈞書丹并篆額

石匠李溫刊

按碑題絳州儒學教授宋景祥撰碑言垣曲處河東之南鄆舊夫子廟在城之東北郭外因遭火爲榛墟至元併入古絳十六年己卯復設吏治元史地理志絳州絳縣至元二年省垣曲縣入焉十六年復立垣曲縣絳縣如故元宋

景祥沿革碑記至元三年省併附於絳邑逮至元十三年
境內軍民劉讓等連名狀本縣地里寬遠東連王屋濟源
南控本處黃河濟民古渡西通解鹽路徑北渡冷口谷道
路四通行旅經商去絳縣一百七十里差役公務期限徵
集動經數日乞復立縣詣州及路凡三載聽本邑復設官
置吏時至元十六年也與碑復立年合碑又云朝命以從
仕郎頓邱岳宏膺製錦之選後二年主簿崔仲繼至縣志
元縣尹岳宏南頓人至元十八年任主簿崔仲亦見縣志
上黨人至元十八年任碑言尹以文廟親詣鄉閭願施錢助役者
甚眾又云展城間隙之地營正殿明非當日舊地構立甫畢而尹
適京師時監縣初至碑無其名以縣志考之即入十合見也復塑聖像三尊
素王居中顏孟侍坐尹還甚喜功不滿志各致瓜則此言

廟未畢功而諸人咸去任也碑有厥後達魯花赤不伯縣
尹陳仲明主簿帖木兒不花縣志元達魯花赤不伯元貞
元年任縣尹陳仲明元貞二年任卽碑所列諸人主簿爲
帖木兒不花亦與志合又沿革碑記岳宏字巨卿宋世南
顏簪纓士族治有殊績主簿崔仲上黨名家勲業舊裔皆
可與此碑相參證亦卽爲縣志所本也

洞神宮碑

碑高四尺四寸廣二尺六寸五分二十
四行行四十一字正書今在稷山縣

洞神宮碑銘

并序

稷山縣儒學直學郝毅撰并書

全真之學

重陽

祖師啓於前

丹陽

真人踵其後於

斯時也作者七人矣碧虛子楊明真真陽子段光普並山丹

陽之門樓亭趙志王君美自三原從碧雲子學號曰超然子
得其心傳老歸鄉里稷城之北有真陽子全真子園堵遺址
葺而居焉僅庇風雨門徒日益弟子張志朴者慨然有興立
之志煉形苦行納衣露膝行丐於汾晉之間脅不占席者三
十餘年寒暑無怠老而愈堅鄉人憫其勤即所居為起

三霄七真之殿門廡畢備峻宇雕牆極其壯麗繪塑莊嚴
金碧交映初

清和真人朔名為純陽觀庚戌十月

⑤門掌教大宗師真常至德真人承

制改賜今額曰洞神宮其贈真陽子為洞晨真人以志朴為
⑥德大師志朴於至元十四年丁丑六月二十三日羽化享
年七十有三門人安真子王志⑦從學最久與志朴備嘗勞

苦功成遊歷山東息肩於濟寧主儲昊天觀學徒至百餘人
大德辛丑來歸改葬志朴於仙瑩謂威儀王志清知宮楊道
真等曰先師德大師柳風沐雨一鉢之外餘無所奉築道
場起宮室使後之沐道修真之士香火齋粥之供恬然自足
先師之功詎可泯沒乎宜刻諸石以示來者眾皆忻諾謁文
以紀其事辭不護己乃撫其實次第其語而為之序至於殿
堂間架田園頃畝學者先後具列之碑陰茲不復云其銘曰
大朴既散 昧乎性天 老子設教 言垂五千 糟粕
之餘 浸失其傳 全真之學 於是興焉 重陽祖師
首唱於前 丹陽碧虛 心印相公 趙子嗣業 號
曰超然 園堵而居 稷城之曠 張公志朴 大結勝
緣 窮而不憫 老而益堅 十畝之宮 數頃之田

歲時飭粥 香火綿綿 洞神之號 百千斯年

司吏楊佐 王璋 金從革 呂昶 秦瑤

本縣典史梁溫

習真大師稷山縣威儀 白志素 知文段道安

稷山縣主簿兼尉兼管本縣諸軍奧魯張榮

敦武校尉稷山縣尹兼管本縣諸軍奧魯兼勸農事胡寬
進義校尉稷山縣達魯花赤兼管本縣諸軍奧魯兼勸農
事不顏木

大元大德五年歲在辛丑季秋重陽日前威儀王志清安
真子王志_等立石

琢玉馬彥溫

按碑謂全真之學重陽祖師啟於前丹陽真人踵其後於

斯時也作者七人重陽祖師據金石萃編全真教祖碑重陽子王先生也先生名喆字知明見碑記其教名曰全真屏去妄幻獨全其真又有馬從義者先生訓其法名曰鈺號丹陽子有譚玉者訓名曰處端號長真子有邱哥者訓名曰處機號長春子有劉處元者字通妙號長生子有王處一者號玉陽子又有郝大通者號太古及從義妻孫氏不二者號順德均同入道當時有七真之號是爲作者七人萃編後按云道家全真教至元始有此名以王重陽爲之祖此碑謂啟於前者亦卽此意又碑云稷城之北有真陽子全真子圖堵遺址張志朴慨然興立初創名爲純陽觀改賜今額曰洞神宮以志朴爲涑德大師至元十四年六月羽化稷山縣志洞神宮在縣北初名純陽觀元道人

張志朴建郝毅記碑前題稷山縣儒學直學郝毅撰並書
按郝毅見縣志職官考與碑題銜同碑後題本縣典史梁
溫稷山縣主簿兼尉張榮稷山縣尹胡寬稷山縣達魯花
赤不顏朮以上諸官縣志均有其名惟不顏朮縣志作顏
應從碑其任事年月縣志皆不載以此碑證之知爲大德
五年可据以補碑見通志金石記

應潤廟祈雨記

碑高三尺九寸四分廣二尺二十三行
行三十七字正書今在平遙縣趙山

應潤廟祈雨靈應記

本縣儒學教諭武亮撰

鄉貢進士支茂書

書曰至誠感神又曰至誠可以動天地感鬼神感而遂通者

神也夫天地鬼神未有不誠而能動者也方皇元大德之四年春迨夏無雨黃埃彌空蹇陽肆虐二麥乾槁草木焦卷人民惶惶有離散之嘆適達魯花赤完顏大帖木兒受勅命來監是邑公善騎射美容止正直方嚴中心樂易祇慎厥職治人以明事神以誠內外畢盡不為表襮聽事之際以歲旱為憫於是修雩祀作土龍遍謁縣內神祠禱之則輒無一應遂詢諸耆老有以超山應潤侯言者公是日齋戒躬詣靈山謁神宇嚴香火極誠敬暴身致禱不旋踵而_①雲四合_②雨河注越五日公以牲醪用荅神貺輒又雨均浹縣境於是二麥舒榮草木滋茂秋遂大稔本縣儒吏溫仁甫翌日踵門以記為請用示將來以表神侯之靈應者也僕辭不獲已姑以公啓心之由神侯靈應之實以紀之且山林川谷_③陵能出雲

為風雨見恠物者皆曰神况吾邦超山應潤之名前賢祈禱之實鄉先生教諭張公已備言之矣不必喋喋云耳夫感應者在神之靈人之誠幽明感通如響之應聲耳藉神之無靈人之無誠焉能致感應哉是有其誠則有其神無其誠則無其神非神之靈則不能歆公之誠非公之誠則不能感神之靈幽明既交是誠意接矣昔張雍士遜為射洪令適歲旱禱白崖神即雨士遜立須雨足乃去蜀人異之我完顏公禱超山之神即雨則與士遜何異哉於是乎書之時大德六年歲在癸丑歲攝提格孟夏一日記

進義副尉平遙縣達魯花赤兼管諸軍奧魯勸農事完顏大帖木兒

從仕郎太原路平遙縣尹兼管本縣諸軍奧魯勸農事韓

顧

太原路平遙縣主簿兼尉鄭善繼

典史郝吉篆額

典史郝智

儒吏溫仁甫

司吏安揖郝仁范莊楊恕張溫

本縣耆老毛家村社長張聚

在城提領相里德社長邢寬田誠史太

當里

太醫院管勾王居簡
匣刺局提領李仲文

同立石

本縣王選男王鐸西蒲里王欽同刊

按碑題本縣儒學教諭武亮撰鄉貢進士支茂書武亮見平遙縣志與碑題官同然系之於金則失攷今據碑知爲

元時人碑言大德四年自春迄夏無雨達魯花赤完顏大帖木兒來監是邑請應潤不旋踵而雨儒吏溫仁甫踵門請記其事校應潤祠宋宣和元年賜額已見余彥和勅賜應潤廟碑記達魯花赤完顏大帖木兒見縣志元時官溫仁甫有元遺山先生超山題名跋蓋亦平遙之好屬文者其跋云大德六年壬寅魏賓前一日謁講主掾月老人經留二宿登臨觀覽奇峯削壁林木豐茂東壁見遺山先生筆跡然則此跋之題蓋亦與是碑相先後也記作於大德六年孟夏前一日應

仁甫之請而成碑末所題諸官有平遙縣達魯花赤完顏大帖木兒平遙縣尹韓禎太原路平遙縣主簿兼尉鄭善繼典史郝吉篆額典史郝智儒吏溫仁甫太醫院管勾王居簡匣刺局提領李仲文同立石志又有元時縣尹韓禎應亦本此鄭善繼郝智名亦均見志惟郝吉無攷據碑可

補而善繼二人又屬之金代亦殊失實碑無立石年月應
卽以撰記時立

元裕之題名

石高一尺五寸廣二尺題四行行入九字不等行書左行
本吉祥題名一行行二十三字又十四行行十三字均正
書今在平遙縣

己亥秋八月十有四日自太原道往山陽留宿於此東山元
好問裕之題

宣授太原路都僧錄同前知事扶宗廣教大師卞吉祥勅
緣大德六禪壬寅裝寶前一日謁

講主標月老人經留二宿登臨觀覽奇峯削壁林木豐茂
東壁見

遺山先生筆跡又原祠有景氣清淑平泉遠樹之嘆

先生常作詞云一笑青山頂未受二毛侵於此可見賢人之心不以利名拘其身仁智樂其樂也刻諸于石以紀其來

通辨大師院主廣演立石

本縣儒吏溫仁甫叙

鄉貢進士張唐卿書

西蒲里提控王欽刊

古陶提控王選男王鐸刊

按碑前刻己亥秋八月十有四日自太原道往山陽留宿於此東山元好問裕之題二十八字後刻本縣儒吏溫仁甫敘平遙縣志金元遺山先生題石在超山字如拳大隨意而書溫仁甫有後敘通辨大師院主廣演立石與今碑

同但今碑前尙有宣授太原路都僧錄等銜一行則志不載未知何義按年表己亥爲元太宗十一年仁甫見武亮應潤廟祈雨記亦題本縣儒吏蓋均爲大德六年所立之石也碑內有鄉貢進士張唐卿書校縣志有題名跋而無書碑人亦疏略矣仁甫敘云先生常作詞一笑青山頂未受二毛侵在遺山集中可以取爲碑證碑見寰宇訪碑錄通志金石記

潞州學斯文樓記

碑高四尺二寸五分廣二尺五分二十九行行五十九字正書今在潞州府學

潞州州學創建斯文樓記

保義校尉前平陽路潞州判官兼管本州諸軍奧魯邵頌書

曹南陳晉篆額

國家開創已來以武德定天下削平禍亂混一車書正當文治之時累頒

明詔重惟學校爲諭區區作養人材所欲共治堯下爾承流宣化者未之思也奉行故事而已惟廟貌精舍之惟嚴俎豆樽罍之惟潔門牆階阼之惟新泮口儀制之惟法丁祭朔望之惟謹曰予之責塞矣絃誦之事則有司存教官之來而能循循然善誘者每於朔望禮畢之後時就講堂說書雖然一暴十寒爲猶賢乎已其或未然者名徒在泮如守小庠暮墨朝朱以敦課誦中人之材三年能有成乎或有訪論稽古所
在并無官書而能口以傳受者幾何人斯所口未終所職終矣教官振衣而去乃所謂吾退而寒之者至矣所以曰循有

年竟無事効如此普天之下將為有人乎無人乎正塗山徑
相去幾何漸□□矣此豈人之性也哉教育不得其道爾
初蓋君之既承前政也戚戚然隱其違闕推當仁不讓之心
有見義必為之勇反常合道制其宜也遂乃載仲學政請□
儒以助教官從事遵古人設教之先後正童蒙為學之次序
自洒掃應對進退動容周旋必中禮使知子弟當為之職以
消積習驕傲之氣入則孝出則弟謹而信汎愛眾而親仁行
有餘力則以學文仍創購官書萬有一千五百二十卷備二
篇之策當萬物之數築樓以貯之泮宮以資學者肄業之本
使士力學者得讀所未讀之書得知所未知之事人一已十
人十已百人百已千日知其所亡月無忘其所能溫故而知
新博學而篤志孝弟汲汲切問近思□理正心之源流明脩

已治人之本末在此於至善面行其所安閑邪存誠居仁由義沉潛反覆厭厭游精義入神以致其用然後讀史知夫自伏羲畫口口以明禮造書契以紀事後世聖人明理以為經紀事以為史史為案經為斷以經義斷往事也而百王綱理世變之道典禮之損益治曆之污隆風俗之美口人物之邪正靡所不載索筆削之美刺微尚論之詳評真是真非必使了然於胸中而後已無或耽玩詞采以資為文以博聞記湛於浮靡徒費功夫而無口於大用矣諸子百家之書雖小道必有可觀者焉致遠恐泥學者可知也斷不可為也而但浸潤經史游咏古今口會貫通怡然自得自得之則資之深資之深則取之左右逢其原蘊之為道德行之為事業發之為文辭施之為政事引而伸之觸類而長之天下之能事畢

矣教育既不負於士士豈負於選舉哉自利達書固在焉貯之於樓恒不致風雨蟲鼠之所蠹耗損壞以待後之學者此所謂君子以教思無窮容保民無疆也益古忠武之監臨可度蓋奉訓之口夜在公何承事之贊畫生明邵保義任從仕之書判如史件右數事斯未足為諸君多有為者其或能之其自任以為吾道力者是難能也故知之者不如好之者好之者不如樂之者此聖人之格言豈徒然哉其能之者非徒知而徒好之者也寔樂而為之者也樂之者猶君子有三樂之樂然大同而小異者也口之有三樂者豈必然之樂也喻如是之有可樂之一事以為所樂之一樂其未樂也今之有三樂者其自然之樂也誠如是之有可樂之一事始為所樂之口樂其真樂也寥寥聖域冷若死灰一變而致其道駸駸

乎迫乎鄒魯矣風動四方其惟自潞泮始一樂也仰口愧於
天府亦不忤於人二樂也築斯樓貯斯書口天下英才而教
育之三樂也樂三樂之真樂能人之所難能施及士民而亦
樂其樂也長裾口口去擔登負笈之勞白叟黃童動泮水采
芹之思尙體累頒 明詔永惟兼善之良規夫天之未喪斯
文亦欲成諸君之美壘訓萬世之後人也

大德七年四月吉日

中奉大夫前遼陽等處行尙書省叅知政事楊仁風記

大德七年五月 日

敦武校尉平陽路潞州上黨縣達魯花赤兼管諸軍奧魯

勸農事伯顏立石

督運材木人劉傑

直學李成寶

監造李裕 陳鵬翼 明天祿

司吏王之翰 曹良 李在祐 秦仲元 李才口 成

謙 邢在賢

吏目傅霖劉浩收書

上黨縣主簿兼尉阿口

從事郎平陽路潞州判官任鼎

承事郎平陽路同知潞州事何淵

奉訓大夫平陽路潞州知州兼管本州諸軍奧魯勸農事

蓋善

忠武校尉平陽路潞州達魯花赤兼管諸軍奧魯勸農事

龔古口

從仕郎上黨縣尹兼管本縣諸軍與魯勸農事李伯顏

石匠提控王厚 思仁刻

按碑題保義校尉前平陽路潞州判官兼管本州諸軍與魯邵顗書曹南陳晉篆額邵顗不見於潞安府志據碑題銜可以補入碑稱蓋奉訓郎奉訓大夫蓋善應爲元時知潞州者而府志列於金代並稱其建斯文樓貯書萬餘卷則確爲此碑之事豈非府志之疏耶按此碑山西通志金石記收入其題銜均與今搨本同並謂碑陰備列所藏官書目計一萬一千五百餘卷半出郡人捐送亦盛事也內如雷氏易祖庭記聖政要括宋實錄輿地類考五朝言行錄唐三百家詩皆今世失傳之本則又今搨本所未詳者可以互參碑記爲楊仁風撰以中奉大夫前遼陽等處行

尙書省參知政事結銜元史世祖本紀至元二十三年二月乙巳罷山北遼東道開元等路宣慰使立東京等處行中書省以庫庫尼敦爲左丞相遼東宣慰使達春右丞同簽樞密院事楊仁風宣慰使伊爾蘇克原作亦而撤合並參知政事七月罷遼陽等處行中書省二十四年十月丙戌范文虎言東京等處人心未安宜立省撫綏之詔立遼陽等處行尙書省以楊仁風參知政事二十八年五月復罷尙書省改入中書仁風題銜爲行尙書省仍書原授官名與史合又元文類姚燧金同知沁南軍節度使事楊公國傳子仁風歷懷邢沼三治中有善政又金石記所收仁風碑甚多如長治五龍廟碑崔府君廟碑襄垣縣文廟碑潞城縣文廟碑並此碑凡數見府志稱其幼聰穎能文不其信歟碑末題大德七年五月日敦武校尉平陽

路潞州上黨縣達魯花赤伯顏立石又有同知潞州事何淵奉訓大夫潞州知州兼管本州諸軍奧魯勸農事蓋善益古從仕郎上黨縣尹兼管本縣諸軍奧魯勸農事李伯顏按以上諸人僅李伯顏一見府志蓋善又誤入金代或修府志時此碑尙未出故以職官攷之悉未能合碑見通志金石記

謝天吉碑

碑高五尺四寸廣二尺六寸五分二十二行行五十六字正書今在臨晉縣北三十里東莊村

昭勇大將軍鎮邊大元帥行河中府事謝公碑銘

并序

貽溪麻革撰

嘉議大夫中書吏部尙書高鳴書

嘉議大夫建康總管兼管內勸農事陳元凱篆額

謝氏自中古呂降見於族姓書甚著惟公出謝氏曾大父諱
毅大父諱克簡考諱翥三世未仕公諱天吉字鍾祥承大元
始起朔方留公鎮防為帥兼領蒲政其為政大都出於明斷
佐之呂公庶故事無留滯民用休息狡滑貪墨不敢曰毫髮
干其間公之為人明敏果毅勇畧蓋世慈目撫民忠於報國
坐鎮邊陲敵不敢犯朝廷知公名命為昭勇大將軍鎮邊大
元帥特賜金符執政蒲郡每因朝覲屢嘗賜坐繼曰酒簡符
錫銀二笏金甲彤弓良馬貂裘莫不負國之重託可知已金
國末人多逃難於河南知公呂王事至流民相謂曰吾謝帥
者素有寬仁之度舍吾公其誰歸於是來附者數千人歲值
凶荒人皆相食公廉於自奉曰餘糧活其眾命皆保全及歸
河朔悉令籍為編民當時軍中酋長人歸附者列為奴僕曰

保全其身皆曰我輩不幸不歸於謝帥雖悔曷追蓋公之仁慈素感人心也深矣初遭上官徵發無度為銀兩者萬有餘公計之民力幾盡必不可供公曰家之器用首飾罄已供之而不取於民不數年又徵黃金百餘笏公自度家竭民困計無所出適陰投大河曰斃家屬迎魂至津渡於時觀者如堵雖婦人女子無不泣下其民心皆知命之輒去遂寢其事民得少蘇時經大變人多流亡十無二三河中府當關河戎馬之衝民力匱乏難於給辦府僚故吏憂之相謂曰當今謝帥若其事不至於此左右或謂之曰謝帥實在幽隱鄉之死傷也愈曰謝帥果在吾輩之幸也吾民之幸也越翼日偕諸同僚就謁於所隱既見公且喜且悲懇請復領其職公堅辭不起僚屬暨吏民耆舊再三委重公難為辭遂往復職民老幼

口親如復見父母矣公母夫人王氏平昔所呂教者蓋如此
公實誠孝人其待怙恃均一豈惟竭力已焉公先得其大者
細可畧也為人煦煦言笑善飲酒利源財計眇忽不入於其
心生平未嘗茹柔吐剛堂堂氣節人呂為勇達官巨僚慕其
名多與之游且喜士收召布衣待呂寶禮公三子長曰陟武
畧將軍前保德州知州次曰陟母夫人吳氏季曰附母劉氏
陟娶薛氏孫男一人女一人尚幼陟早世附妻未果也女五
人皆嫁為宦家妻外妻陳氏王氏楊氏皆至今為君家居守
節貞公含醉養於萬固精舍來歸卒於家得年才五十有九
實庚戌七月十日也先是僚府叅佐方汨沒已事待公主決
明白遽至然耶吁可嘆哉作銘曰始呂武起而得其位而曰
得之其難其致千年一靈萬古一驚孰云一醉而不可醒其

去其來嗚呼哀哉

元大德七年歲次癸卯秋七月丁巳朔十有八日男武畧將軍前保德州知州謝陟立石

清康熙十七年歲次戊午閏三月風雨飄搖因立擬造碑樓 合族裔孫謹誌

嘉慶十六年歲次辛未閏三月朔日己卯因舊碑剝落更換新石镌刻舊文重修碑樓 合族裔孫謹志

按碑題貽溪麻革撰嘉議大夫中書吏部尙書高鳴書嘉議大夫建康總管兼管內勸農事陳元凱篆額麻革字信之虞鄉人見遺山集上耶律公書山西通志革秉彝孫有先人業在王官谷樂道不仕教授生徒以詩文自娛號貽溪子房祺言貽溪與遺山詩學無嫌古文出其右當時以

爲公言編河汾諸老詩以革冠其首按革題貽溪與碑合
革金末太學生見歸潛志元史高鳴傳至元五年立御史
臺以鳴爲侍御史九年遷吏禮部尙書十一年病卒有文
集五十卷此碑題吏尙當至元九年後書元吏部隸中書
省見百官志碑言公諱天吉字鍾祥承大元起朔方留公
鎮防爲帥兼領蒲政朝廷知公名命爲昭勇大將軍鎮邊
大元帥特賜金符元時有金符銀符執政蒲郡按元太宗癸巳年
得金河中天吉領蒲應在是年碑又云歲值凶荒人皆相
食元韓仲元王氏遷封墓碑壬辰癸巳飢饉薦臻餓殍塞
途此金季歲旱之證可與此碑相參證亦屢見遺山集詩
文碑云當時酋長人歸附者例爲奴僕此可見遺山諸人
亦所不免可補史闕其云初遭上官徵發爲銀兩者萬有

餘以家之器用罄供之不數年又徵黃金百餘笏公乃陰
投大河觀者無不泣下遂寢其事民得少蘇按元初科斂
之繁史不具錄所謂上官者蓋指行省及平陽總管而言
亦可補史闕碑云河中府當關河戎馬之衝民力匱乏難
於給辦府僚故吏憂之或曰謝帥實在鄉之死偽也按元
初姚樞諸人皆有論供億奏蓋其時宗藩軍帥馳傳煩擾
今定襄聖阜祠碑及此碑並有言難供辦事碑又云越翼
日偕諸同僚就謁於所隱懇請復職卒庚戌七月十日元
乙巳河中府請欽公禪師疏有河中府同知謝天吉前庚
戌二年此當卽復職後之官公子陟武略將軍前保德州
知州次陞次附末題元大德七年七月十八日男武略將
軍前保德州知州謝陟立石碑有萬固精舍卽永濟縣之

萬固寺通志金石記謝天吉神道碑大德麻革撰碑爲中
統時撰至是年始立者元文類姚燧故宋太常少卿陳公
神道碑大德戊戌燧舟游湖湘而陳公元凱方持節使湖
之南後五年燧持憲節使江之東而公以總管來莅建康
與碑官合姚燧碑又云耀州三白渠規措使仲謙生東平
勸農使膺農使生嘉議大夫建康路總管兼管內勸農事
元凱則元凱仲謙孫也碑見寰宇訪碑錄通志金石記

祭霍山崇德應靈王記

碑高一尺八寸五分廣一尺九寸行
字不一字徑八分正書今在趙城縣

維大元國大德八年歲次甲辰二月癸未朔二十七日

己酉

皇帝敬遣火兒赤荅失納喬學士同霍州判官李篤善謹以

清酌庶羞之奠致祭于

霍山中鎮崇德應靈王位前

惟王

崇高中土

仁靜異方

神功遠古

德載彌光

明誠是亨

黍稷非香

皇家

有命

血食無疆

尚饗

大德八年二月

日書丹楊士賢石匠鄭寬

刊守廣□□立

司吏

郭史琛

趙城縣典吏梁灝

霍州司吏

裴德鼎
韓思溫

進義副尉趙城縣主簿兼尉申

大雅

敦武校尉趙城縣尹兼諸軍奧魯勸農事劉

文讓

進義校尉趙城縣達魯花赤兼諸軍奧魯勸農事口 不顏歹

承事郎平陽路同知霍州事石

思仁

按碑爲遺官致祭中鎮文一統志霍山在州東南三十里
遶高三十里主峯高百丈有奇盤踞二百里南接趙城洪
洞二縣界卽古太岳也尚書禹貢旣修太原至於岳陽壺
口雷首至於太岳鄭康成注今河東彘縣霍太山周禮冀
州其山鎮曰霍山爾雅西方之美者有霍山之多珠玉焉
漢書地理志彘縣霍太山在東杜預左傳注永安縣東北
有霍太山酈道元水經注太岳山禹貢所謂岳陽也卽霍

太山唐六典河東道名山曰霍山李吉甫元和郡縣志霍山在霍邑縣東三十里洪洞縣東三十里平陽府志霍山周二百餘里今謂之中鎮

封二賢碑陰詔記

碑分二截高三尺六寸廣二尺一寸上截二十入行行二十九字下截二十七行行二十一十字至二十四字不等正書今在永濟縣

詔封二賢碑陰記

伯夷叔齊古之賢人也孔聖稱之其萬世不朽之名已昭著矣自周迄今二千餘年至亡宋崇寧間追封侯爵惟我大元

世祖皇帝憲天述道發政施仁多二賢之清節至元辛巳歲乃頒

明詔加封曰公聖德至矣原其出處示其褒崇前河中儒學教授柳謙已誌之于貞石惟有封賢之

詔于斯闕之矣宣差塔海公知府樊公暨同列輩共為之辭曰我等職居守土任在承宣雖無補報之勞敢不讚

君盛德可復刻石議既定石既完遂請西臺掾段維德書丹適太子諭德蕭嘉議因

徵過蒲為題其額石既畢工命僕為記義不敢辭故紀其始末之實書之于碑陰計其僚屬之姓氏列之于后又耆老等出示省部除免雜役之符文請亦刻之用傳不泯故併為之書

至大元年二月吉日立石

承務郎河中府判官甯德豫撰并書

河東縣尉李琦

河東縣主簿兼尉陳恭

從仕郎河東縣尹兼管本縣諸軍奧魯勸農事侯世恭

敦武校尉河東縣達魯花赤兼管本縣諸軍奧魯勸農事
不伯

河中府提控案牘馬景良

將仕佐郎河中府知事房處恭

承務郎河中府推官時思溫

承務郎前河中府推官張礎

承務郎同知河中府事李德裕

朝列大夫河中府知府兼管本府諸軍奧魯勸農事樊泌
奉政大夫河中府達魯花赤兼管本府諸軍奧魯勸農事

塔海

皇帝聖旨裏平陽路達魯花赤總管府承奉

中書禮部符文據張林等告狀伏為

朝廷累降

詔書郎該名山大川五嶽四瀆聖帝明王忠臣烈士載在祀典者所在官司以時致祭廟宇損壞官為修理欽此切見河中府南五十里有山名之曰首陽乃伯夷叔齊所隱之地也上有二賢廟一所自古迄今歷代相傳官民士庶以時祭享至元十八年欽奉

聖旨追封伯夷為昭義清惠公叔齊為崇讓仁惠公明有立到碑石可考適因大德七年八月初六日地震其堂殿廊廡悉皆摧壞林等祖居本村自願與工修理却緣用錢極多工

役不少如蒙將本村人戶少加優恤与免雜犯夫役林等情願典工起建完備不致動煩官司擾民生受若不狀告緣林等父祖以來累曾助緣于廟目觀其弊誠為可惜告乞詳狀施行事得此省部相度既張林等各出私財重修廟宇誠為美事有司所宜勉勵告除雜役事理合下仰照驗依上施行奉此總府合下仰照驗依奉

中書禮部符文內事理依例施行須至指揮

右下河中府准此

大德九年二月二十日行

譚郭村 張珪 張閏 張林 張進 楊復榮 姚立

張秀

常王村 雷春 王恩 鄭林 相德 武自誠 李德

石匠賀直刊

按碑述河中府達魯花赤塔海知府樊泌刻至元封二賢
詔始末暨僚屬之姓氏并耆老等出示省部之符所云太
子諭德蕭嘉謨因徵過蒲爲題其額者卽蕭剡元史剡傳
字惟斗其先北海人父仕秦中遂爲奉元人博極羣書天
文地理律歷算數靡不研究侯均謂元有天下百年惟蕭
惟斗爲識字世祖分藩在秦辟剡侍秦邸以疾辭累授集
賢直學士國子司業改集賢侍讀學士皆不赴大德十一
年拜太子右諭德扶病至京師按仁宗爲太子時爲
仁宗太子諭德也入觀
東宮尋以病力請去職卒年七十八嘉議大夫正三品階
此碑不稱其名而稱其階者尊之也所云因徵過蒲者卽
傳扶病至京時又山右碑爲剡撰者有絳州萬戶孔萬錦

墓碑參政裴居敬碑合史傳爲文辭立意精深考之則軒
固不以專工書名也碑立至大元年卽大德十一年之次
年題承務郎河中府判官甯德瑛撰并書所列官名姓有
河東縣尉李琦縣主簿兼尉陳恭縣尹侯世恭達魯花赤
不怕皆可補今永濟志之闕又有河中府提控案牘馬景
良知事房處恭推官時思溫前推官張礎同知李德裕知
府樊泌卽碑記知府樊公元史百官志諸路總管兼管勸農江北則兼諸軍郭囉郭囉卽奧魯河中
府達魯花赤塔海卽碑記所言宣差塔海元史百官志散府達魯噶
齊卽達魯花赤一員知府或府尹一員領勸農郭囉與路同同
知一員判官一員推官一員提控案牘一員元河中隸平
陽爲散府此碑所列官名均與志合又後所列省部符有
累降詔書云云官爲修理欽此足見明諭旨末有欽此二

字者實昉自元也大德七年太原平陽兩路地震詳見元史本紀五行志碑言大德七年地震者卽其事

示諭碑

碑高三尺一寸二分廣一尺八寸十
五行行四十字正書今在永濟縣

長生天氣助裏

大福廕護助裏

皇帝聖旨管軍官人每根底軍人每根底管城子的達魯花赤官人每根底過往使臣每根底宣諭的聖旨成吉思皇帝月哥登皇帝薛禪皇帝聖旨裏和尚每也里可溫先生每不揀甚麼差發休當者告天祝壽者道來如今依在先聖旨裏例裏不揀甚麼差發休當告天祝壽者麼道河中府有的樓嚴寺裏住持的定長老根底欽資着行的聖旨與了他這每

的寺院裏房舍裏使臣每休安下者鋪馬祇應休當者稅粮
休與者但屬寺家的水土園林磨房店舍鋪席解典庫浴室
竹園不揀甚麼他每根底休□要者這定長老却倚着有聖
旨麼道無牀例的勾當休做者若做阿他不怕那甚麼聖旨
俺的

□□年八月二十四日上都有時分寫來

大德九年二月二十五日監寺僧懷能立石

匠人古舜賀直刊

校石墨鐫華載元重陽萬壽宮蒙古字碑長生天氣力裏
大福應護助裏皇帝聖旨軍官每根底軍人每根底管城
子達魯花赤官人每根底往來使臣每根底宣諭的聖旨
成吉思皇帝月闕万皇帝薛禪皇帝完澤篤皇帝曲律皇

帝聖旨裏和尚也里可溫先生每不揀甚麼差發休當告
天祝壽者宣諭的有來如今也只依在先聖旨體例裏不
揀甚麼差發休當告天祝壽者麼道奉元路大重陽萬壽
宮裏并下院宮觀裏住的先每根底執把行的聖旨與了
也這的每宮觀菴廟裏房舍裏使臣休安下者鋪馬祇應
休著者稅根休與者但屬宮觀裏的水土人口頭正園林
碾磨店舍鋪席典庫浴室船棧車輛不揀甚麼他的更漢
陂甘澇等三處水例甘谷山林不揀是誰休倚氣力者休
奪要者這的每却倚着有聖旨麼道沒體例的勾當休做
者做呵他每不怕那甚麼聖旨虎兒年七月二十八日察
罕倉有時分寫來與此略同此碑所刻蒙古語帝號據輟
耕錄太祖國語成吉思世祖國語薛禪元祕史太宗月哥

台皇帝重陽萬壽宮碑多完澤篤曲律二帝輟耕錄成宗國語完者篤武宗國語曲律此碑立大德故無成武二宗名又按元史成宗紀多以五月幸上都十月還大都八月則正在上都也

霍州公字記

碑高一尺七寸四分廣二尺二十七
行行二十三字正書今在霍州署

霍州朔建公字記

本州道判裴道常書

聖元一天下雖荒陬遠郡往古之不能臣者莫非政令之口及故命

宗室之近者王重地以_○遠人歲終

朝覲往還而霍郡適當其衝於是以郡□□□行邸□慮其

隘陋不足以容散廩闕井以爲民病故爲廣其□室多其廊
廡以居之迄大德七年秋仲六日值地道不○民居官舍震
撼摧壓蕩然無遺越明年秋監州□□不花知州李伯淵同
知石思仁州判指揮要□相□□曰天變之後民未○處雖
吾輩之居僅足以容膝但□於露亦已多矣惟是廨舍爲理
民之所且

宗室之過者寓焉營建之務孰急於此□故俾所隸□邑分
集其事正堂五楹靈石□□□爲舍各三楹趙城治之雲邑
治其兩廡□各十楹今輟其□待其稔□議之命主靈石簿
孟祐兼□□□其後其□甫興□監州□刺不花至郡慨始
謀之不及□其□益勤落成於大德九年夏四月俾予記之
予□□□□□不敢以拙陋辭故爲書其始末如此使後之

來者得以覽□知懸構之□自是年歲在乙巳夏孟旣望州
學正河內王^士貞記

大元大德九□清和晦日立石

司吏張郁 張溫 □□□ 王潤 韓思溫 李信□

吏目□□□

從仕郎霍州判官趙□□

承事郎同知霍州事石思仁

承德郎霍州知州兼管諸軍奧魯兼勸農事李伯淵

承直郎霍州達魯花赤兼管諸軍奧魯兼勸農事失刺不

花

馬□刊

校碑題本州道判裴道常書霍州志州署在宣一里元權

爲國王行郎大德七年地震傾圮八年監州失刺不花同知李伯淵葺卽据此碑碑云大德七年秋地道不甯民居官舍蕩然無遺元史成宗紀大德七年八月辛卯地震平陽太原尤甚人民壓死不可勝計卽其事大德七年之震最爲晉大久如文水重建文廟碑則言廟宇撼搖摧圮掃地一空民多傷其命聞喜補修宣聖廟碑則言村堡移徙地裂成渠民人壓死不可勝計紀志僅言大概合諸碑證之可得其詳碑有監州失刺不花知州李伯淵同知石思仁皆見州志又州志失刺不花大德間霍州達魯花赤兼管諸軍奧魯兼勸農事建公廨廟宇學舍戟門

碑有題石
薄孟祐可

爲考晉故
者之助

碑末有歲乙巳州學正河內王士貞記霍州藝

文闕名元初經始公廨橋道記言丁酉春正月復立霍州

丁酉元太經始公廨是霍廨之立自元太宗九年始伯淵
宗九年又見州志學校文廟大德七年地震圯知縣李伯淵營講
堂夾室廟垣則伯淵固蒞霍有績者碑見通志金石記

山右石刻叢編卷二十九